

9

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 6 1953

TS-757/0421D

共二十本

射
种
深
義

九

第四十三回

聞太師西岐大戰

詩曰

黑夜交兵實可傷。

拋盔棄甲未披裳。

冒烟突火尋歸路。

矢志丟魂覓去鄉。

多少英雄茫昧死。

幾許壯士夢中亡。

誰知吉立多饒舌。

又送天君入北邙。

話說子牙與眾將來劫聞太師行營。勢如風火。只見哪吒登風火輪。持火尖槍。殺來。聞太師忙上了墨麒麟。掣鞭迎敵。黃天化自恃英勇。持兩柄銀鎚。催動玉麟麟。前來接戰。裹住聞太師不放。金木二吒。揮寶劍。上前助戰。韓毒龍薛



惡虎各持劍。左右相攻。殺氣紛紛。兵戈閃灼。怎見得一夜好戰。有讚爲證。

讚曰

黃昏兵到。黑夜軍臨。黃昏兵到。冲開隊伍。怎支持。黑夜兵臨。撞倒柵欄。焉可立。馬聞金鼓之聲。驚馳亂走。軍聽喊殺喧譁。難辨你我。刀鎗亂刺。那知上下交鋒。將士相迎。孰識東西南北。劫營將如同猛虎。踏營軍一似歡龍。鳴金小校。搥鼓兒郎。鳴金小校。灰迷二目。眼難睜。搥鼓兒郎。兩手慌忙。搥亂打。初起時。兩下抖擻精神。次後來。勝敗難分。敵手敗了的。似傷弓之鳥。見曲木而高飛。得

勝的。如猛虎登崖。闖羣羊而弄猛。並有刀的。連肩洩背。逢斧的。頭斷身開。攬劍的。劈開甲冑。中鎗的。腹內流紅。人撞人。自相殘踏。馬撞馬。遍地尸橫。傷殘士軍。哀哀叫苦。帶箭兒郎。憾憾之聲。棄金鼓。旛幢滿地。燒糧艸。四野通紅。只知道奉命征討。誰知道片甲無存。愁雲只上九重天。遍地尸骸。真慘切。

話說子牙劫聞太師行營。哪吒等把聞太師圍困。因亥心。黃飛虎父子冲左營。與鄧忠張節大戰。殺的乾坤暗暗。南宮适辛甲等冲右營。與辛環陶榮接戰。俱係夜間。只殺的慘。慘悲風。愁雲滾滾。正邯戰之際。楊戩從聞太師後營殺進。

封神演義
去縱馬搖鎗。只殺至糧艸堆上。放起火來。好火怎見得有
詩爲証。

詩曰

烈焰冲霄勢更寬

金蛇萬道遶空中

烟飛捲蕩三千里

燒毀行糧天助功

話說楊戩借胸中三昧真火。將糧艸燒着。照徹天地。聞太師正戰之間。忽見火起。心中大驚。自思糧艸被燒。大營難立。把金鞭架鎗攬劍。無心戀戰。又見子牙騎到。把打神鞭祭于空中。聞太師難逃這一鞭之厄。只打的聞太師三昧火噴出三四尺遠。近太師把黑麒麟縱出圈子。止戰且走。

黃飛虎等追襲。鄧忠張節見中軍失守。只得保着聞太師奪路而走。南宮适等追趕辛環。陶榮吉立。余慶見勢頭不好。護持不下。只得敗走。辛環肉翅飛在空中。保着聞太師退走。往岐山不表。且說終南山玉柱洞雲中子在碧遊床。忽然想起。聞太師征伐西岐。正是雷震子下山之時。忙命金霞童兒請你師兄來。童子去不多時。將雷震子請至碧遊床前。倒身下拜。雲中子曰。徒弟。你可往西岐去見你兄。武王姬發。便可謁見你師叔姜子牙。助他伐紂。你可立功。速去。倘或中途若遇有肉翅之人。便可立功。方不負貧道傳你兩翅玄功。以助周室。正是

兩枚仙杏安天下。方保周家八百年。
且說雷震子出洞。把風雷翅一展。脚登天。頭往下。二翅騰開。頃刻萬里。怎見得有讚爲證。

讚曰

大雨燕山曾出世。一聲雷响現無生。終南秘授先天訣。八卦爐邊師訓成。七歲臨潼曾會父。回山學藝更精明。二枚仙杏分離坎。兩翅飛騰有玄盈。洞府傳就黃金棍。展動舒開雲霧生。奉師法旨離玉柱。方見岐山舊有名。且說雷震子離了終南。把二翅一夾。有風雷之聲。飛至西岐山。遠遠望見。聞太師收兵而來。雷震大喜。幸遇敗兵。正

好用心殺他一陣。且說太師正拌鋒銳。慌忙疾走。猛然擡頭。見空中飛有一人。面如藍靛。髮似硃砂。捺牙生於上下。好兇惡之像。聞太師叫辛環。你看前面飛來一人。甚是兇惡。你可仔細小心。說猶未了。雷震子大呼曰。吾來了。舉棍就打。辛環鎚鑽迎面交還。空中四翅翻騰。鎚棍交加响亮。雷震子乃仙傳棍法。辛環生就英雄。怎見得

四翅在空中。風雷响亮冲。這一箇殺氣三千丈。那一箇靈光透九重。這一箇肉身成正道。那一箇凡体受神封。這一箇棍起生烈焰。那一箇鎚鑽逞英雄。平地征雲起。空中火焰克。金棍光輝分上下。鎚鑽精通最有功。自來

也有將軍戰不似空中類轉蓬。

話說雷震子中途一戰。只殺的辛環抵擋不住。抽身望岐山逃走。雷震子自思。不可追趕。見了師叔皇兄。料他還來。終久會我。遂望西岐城相府中來。不題。只見衆人俱在子牙府裏報功。劫營得勝。挫了聞太師的鋒銳。子牙大喜。慰勞諸將曰。今日之勝。皆出汝等之力。聖主社稷。生民之福。衆將答曰。武王洪福。丞相德政。故使聞仲不識時務。失其利也。正話間。忽報有一道童求見。子牙傳請。少時雷震子進府下拜。口稱師叔。子牙曰。是那座名山弟子。今至此地。雷震子答曰。弟子乃終南山玉柱洞雲中子門下雷震子。

是也。今奉師命下山。一則謁師叔立功。二則見皇兄相會。子牙曰。你皇兄是誰。雷震子曰。皇兄乃是武王。子牙問兩邊站立殿下。你們可認得麼。衆人曰。認不得。雷震子曰。弟子七歲。曾救文王出五關。弟子乃燕山雷震子。子牙方悟。謂諸將曰。此子先王曾言出五關。遇雷震子救護。今日進西岐。乃當今之洪福。得此異人。遂引雷震子往見武王。子牙至皇城。有執殿官啓武王。丞相候旨。武王傳宣。子牙進殿。行禮畢。奏曰。大王御弟朝見。武王曰。孤弟何人。子牙曰。昔日先王在燕山收的雷震子。一向在終南山學藝。今日方歸。武王命請來。雷震子進內庭。倒身下拜。口稱皇兄。武

封神演義
王稱御弟。昔先王曾言賢弟之功。救危出關。復回終南。今日相逢。實爲慶幸。武王見雷震子形像凶惡。不敢命入內庭。恐驚太姬等。武王曰。相父與孤代勞。相府宴弟子牙曰。雷震子持齋。只隨臣府宅。以便立功。武王甚喜。雷震子彼時辭王回相府。不題。且說聞太師兵敗岐山七十里。收住敗殘人馬。結下營寨。查點損折軍兵二萬有餘。太師陞帳。長嘆曰。自來提兵征伐多年。未嘗有挫鋒銳。今日到此。失機喪師。殊爲痛恨。心下十分不樂。自思無門欲調別將。各有鎮守。太師乃丹心赤胆。恨不能一刻。遂平西地。其心纔快。豈意如今失機被辱。只急的當中神目睜開。長吁短嘆。

吉立近前啓曰。太師不必憂思。況且三山五嶽之中。道友頗多。或請一二位。大事自然可成。太師聽說。老夫着軍務煩冗。紊亂心懷。一時忘却。遂上帳分付鄧辛二將。好生看守大營。吾去來。太師乘了墨麒麟。把風雲角一拍。那獸起在空中。正是

金鰲島內邀仙友。

封神榜上早標名。

話說聞太師的墨麒麟。週遊天下。霎時可至千里。其日行到東海金鰲島。太師觀看大海。青山幽靜。因嗟嘆曰。吾因爲國事煩瑣。先王托孤之重。何日能脫却煩惱。靜坐蒲團。參玄悟妙。閑看皇庭一卷。任鳥兔如梭。何有與我真箇好。

海島有無窮奇景。怎見得有讚爲証。

勢鎮汪洋。威寧瑤海。潮湧銀山。魚入穴。波翻雪浪。屢離淵木。火方隅。高積土。東西崖畔。聳危巔。丹岩慳石。峭壁奇峰。丹崖上。彩鳳雙鳴。峭壁前。麒麟獨卧。峰頭時聽錦鸞啼。石窟每觀龍出入。林中有壽鹿。仙狐。樹上有靈禽。玄鳥。瑤草奇花。不謝。青松翠栢長春。仙桃常結果。修竹每留雲。一條澗壑。藤蘿密。四面源提。艸色新。正是百川會處。擎天柱。萬劫無移。大地根。

話說聞太師到了金鰲島。下了墨麒麟。看了一回。各處洞門緊閉。並無一人。不知往那裡去了。靜悄悄的。聞太師沉

吟半晌。自思不如往別處去罷。上了墨麒麟。方出島來。後有人叫曰。聞道兄往那裡去。聞太師回顧見來者。乃菡芝仙也。忙上前稽首曰。道友往那里去。菡芝仙答曰。特來會你。金鰲島衆道友。爲你往白鹿島去。練陣團。前日申公豹來請俺們。往西岐助你。我如今在八卦爐中煉一物。功尚未成。若是完了。隨即就至。衆道友現在白鹿島。道兄你可速去。聞太師聽說大喜。遂辭了菡芝仙。逕往白鹿島來。霎時而至。只見衆道人。或帶一字巾。九揚巾。或魚尾金冠。碧玉冠。或挽雙抓髻。或它頭打扮。俱在山坡前。閑說不在一處。聞太師看見大呼曰。列位道友好自在也。衆道人回頭。

見是聞太師俱起身相迎。內有秦天君曰。聞得道兄征伐西岐。前日申公豹在此相邀。助你。吾等在此練十陣圖。方得完備。適道兄到臨。真是萬千之幸。聞太師問曰。兄練的那十陣。秦天君曰。吾等這十陣。各有妙用。明日至西岐擺下。其中變化無窮。聞太師看罷曰。爲何只有九位。却少一位。秦天君曰。金光聖母往白雲島去。練他的金光陣。其玄妙大不相同。因此少他一位。董天君曰。列位陣圖。可曾完麼。衆道人曰。俱完了。既完了。我們先往西岐。聞兄在此等。金光聖母同來。你意下如何。聞太師曰。既蒙列位道兄雅愛。聞仲感戴榮光萬萬矣。此是極妙之事。九位道人辭了。

聞太師借水遁。先往岐山而來。怎見得有詩爲證。

詩曰。

天下嬉遊半日功。

倏來倏去任西東。

仙家妙用無窮際。

豈似凡夫駕彩紅。

不說九位道者往西岐山。到了營裡。且說聞太師坐在山坡。倚松靠石。未及片時。只見正南上五點班豹。駒上坐一人。帶魚尾金冠。身穿大紅八卦衣。腰束絲絛。脚登雲履。背一包袱。掛兩口寶劍。如飛雲掣電而來。望見白鹿島前。不見衆人。只見一位穿紅三隻眼黃臉長髯的道者。却原來是聞太師。金光聖母急下坐騎曰。聞兄何來。二人施禮。問

九位道友往那裡去了。太師曰：他們先往岐山去，留吾在此等候同行。二人大喜，齊上坐騎，架起雲光往岐山而來。霎時便至，到了行營，吉立領眾將迎接上中軍帳，與眾道人相見。秦天君曰：西岐城在那裡？聞太師曰：因吾前夜敗兵，退至七十里安營，此處乃是岐山。眾人曰：我們連夜起兵前去，聞太師令鄧忠前隊起兵，整點人馬，一聲砲响，殺奔西岐城來。安了行營，三軍放定營大砲，吶喊傳更。子牙在相府自因得勝，與眾將逐日議論天下大事，忽听喊聲。子牙曰：聞太師想必取得援兵至矣。傍有楊戩答曰：聞太師新敗去了半月，弟子聞此人乃截教門下，必定別請左

道傍門之客也。要仔細防護，子牙聽罷，心下疑惑，乃同哪吒、楊戩等都上城來觀看。聞太師行營，今眷大不相同。子牙見營中愁雲慘慘，冷霧飄飄，殺光閃閃，悲風切切，又有十數道黑氣冲于霄漢，籠罩中軍帳內。子牙看罷，驚訝不已。諸弟子默默不言，只得下城入府，共議破敵，實是無策。且說聞太師安了營，與十天君共議破西岐之策。袁天君曰：吾聞姜子牙崑崙門下，想二教皈依總是一理，如紅塵殺伐，吾等不必動此念頭。既練有十陣，我們先與他鬪智，方顯兩教中玄妙。若要倚勇鬪力，皆非我等道門所為。聞太師曰：道兄之言甚善。次日成湯營裡，砲聲一响，布開陣

勢聞太師乘墨麒麟坐名請子牙。答話報進相府子牙隨調三軍擺出城來。旛分五色衆將軒昂子牙坐四不相上看成湯營裡布成陣勢只見聞太師坐麒麟執金鞭在前後面有十位道者好凶惡臉分五色青黃赤白黑俱皆騎鹿而來怎見得有詩爲証。

詩曰

青絲上搭一綸巾

腹內玄機動萬人

無福成仙稱道德

封神榜上列其身

話說秦天君乘鹿上前見子牙打稽首曰姜子牙請了子牙欠背躬身答曰道兄請了不知列位道兄是那座名山

何處洞府秦天君答曰吾乃金鰲島煉炁士秦完是也汝乃崑崙門客吾是截教門人爲何你倚道術欺侮吾教甚非你我道家體面子牙答曰道友何以見得我欺侮貴教秦完曰你將九龍島魔家四人誅戮還深侮吾教我等今下山與你見個雌雄非是倚勇吾等各以秘授略見功夫吾等又不是凡夫俗子持強開勇皆非仙體秦完說罷子牙曰道兄通明達顯普照四方復始巡終週流上下原無二致紂王無道絕滅紀綱王氣黯然西土仁君已現當順天時莫迷已性况鳴鳳在岐山應生聖賢之兆從來有道克無道有福催無福正能克邪邪不能犯正道兄幼訪名

師深悟大道。豈可不明道理。秦完曰。據你所言。周爲真命之主。紂王乃無道之君。吾等此來。助紂滅周。難道便是不應天時。這也不在口中講。姜子牙吾在島中。曾練有十陣。擺與子牙過目。不必倚強。恐傷上帝好生之仁。累此無辜。黎庶。勇悍兒郎。智勇將士。遭此劫運。而糜爛其肌體。也不識子牙意。下何如。子牙曰。道兄既有此意。姜尚豈敢違命。只見十道人俱回騎進營。一兩個時辰。把十陣俱擺將出來。秦曰。領教了。隨帶哪吒。黃天化。雷震子。楊戩。四門人來看陣。聞太師在轅門。與十道人看子牙領來四人。一個站在風火輪上。尖鎗是哪吒。玉麒麟上是黃天化。雷震子。掙

獨異相見。楊戩道氣昂然。楊戩向前對秦天君曰。吾等看陣。不可以暗兵暗寶暗算。吾師叔。非大丈夫之所爲也。秦完笑曰。叫你等早晨死。不敢午時亡。豈有將暗寶傷你等之理。哪吒曰。口說無憑。發手可見。道者休得誇口。四人保定子牙看陣。見頭一陣。挑起一牌。上書天絕陣。第二上書地烈陣。第三上書風吼陣。第四上書寒水陣。第五上書金光陣。第六上書化血陣。第七上書烈焰陣。第八上書落魂陣。第九上書紅水陣。第十上書紅沙陣。子牙看畢。復至陣前。秦天君曰。子牙識此陣否。子牙曰。十陣俱明。吾已知之。袁天君曰。可能破否。子牙曰。旣在道中。怎不能破。袁天君

曰。幾時來破子牙。曰。此陣尚未完。全待你完日。用書知會。方破此陣。請了。聞太師同諸道友回營。子牙進城入相府。好愁。真是雙鎖眉尖。無籌可展。楊戩在側曰。師叔方纔言能破此陣。其實可能破得否。子牙曰。此陣乃截教傳來。皆稀奇之幻法。陣名罕見。焉能破得。不言子牙煩惱。且說聞太師同十位道者入營。治酒款待。飲酒之間。聞太師曰。道友此十陣有何妙用。可破西岐。秦天君開講十絕大陣。不知有何奧妙。且听下回分解。

總批 聞太師久經征戰。老練之才。如何昏夜劫營。不預爲防備。致遭大敗。太師不能辭其疎虞之責矣。

又批 十天君原自討煩惱。只在金鰲島自在逍遙。何等快樂。乃信申公豹之說。練十絕陣來助。聞太師是自取滅亡。所以說天作孽。猶可違。自作孽。不可活。神仙且由不可。况今人尚多作孽者。何哉。余不知此輩所稅駕矣。

此輩遇此難免

輒且山不可。及今人尚多。此輩遇此難免。自取滅亡。以請天卦。變解可救。自卦變。不可。此輩遇此難免。與樂以計。申公保之。銷棘十。既則來。以開太。昭且。十天。取以自。倚。取。謝。只。吾。金。濟。島。自。奔。能。能。何。等。又。此。

第四十四回

子牙魂遊崑崙山

詩曰

左道妖魔事更偏

呪阻魘魅古今傳

傷人不用飛神劍

索魄何須取命箋

多少英雄皆棄世

任他豪傑盡歸泉

誰知天意俱前定

一脈遊魂去復連

話說秦天君講天絕陣對閻太師曰此陣乃吾師曾演先天之數得先天清炁內藏混沌之幾中有三首籙按天地人三才共合為一炁若人入此陣內有雷鳴之處化作灰塵仙道若逢此處肢體震為粉碎故曰天絕陣也有詩為

証

詩曰

天地三才顛倒推。

玄中玄妙更難猜。

神仙若遇天絕陣。

頃刻肢體化成灰。

聞太師聽罷大喜。又問地烈陣如何。趙天君曰。吾地烈陣亦按地道之數。中藏疑厚之體。外現隱躍之妙。變化多端。內隱一首紅旛。招動處。上有雷鳴。下有火起。凡人仙進此陣。再無復生之理。縱有五行妙術。怎逃此厄。有証。

詩曰

地烈煉成分濁厚。

上雷下火太無情。

就是五行乾健體。

難逃骨化與形傾。

聞太師又問風吼陣。何如。董天君曰。吾風吼陣中藏玄妙。按地水火風之數。內有風火。此風火乃先天之氣。三昧真火。百萬兵刃。從中而出。若人仙進此陣。風火交作。萬刃齊攢。四肢立成塵粉。怕他有倒海移山之異術。難逃身體化成濃。有詩為証。

詩曰

地烈煉成分濁厚。

上雷下火太無情。

傷人不怕神仙體。

消盡渾身血肉多。

聞太師又問寒水陣。內有何妙用。袁天君曰。此陣非一日。

功行乃能煉就名為寒水。實為刀山。內藏玄妙。中有風雷。上有冰山如狼牙。下有冰塊如刀劍。若人仙入此陣。風雷動處。上下一磕。四肢立成塵粉。縱有異術。難免此難。有詩為證。

詩曰

玄功煉就號寒水。一座刀山上下疑。

若是人仙逢此陣。連皮帶骨盡無憑。

聞太師又問金光陣妙處。何如金光聖母曰。貧道金光陣內。奪日月之精。藏天地之氣。中有二十一面寶鏡。用二十一根高杆。每一面懸在高杆頂上。一鏡上有一套。若人仙

入陣。將此套拽起。雷聲震動鏡子。只一二轉。金光射出。照住其身。立刻化為膿血。縱會飛騰。難越此陣。有詩為証。

詩曰

寶鏡非銅又非金。不向爐中火內尋。

縱有天仙逢此陣。須臾形化更難禁。

聞太師又問化血陣如何用度。孫天君曰。吾此陣法。用先天靈氣。中有風雷。內藏數片黑沙。但人仙入陣。雷响處。風捲黑沙。些須着處。立化血水。縱是神仙。難逃利害。有詩為証。

詩曰

黃風捲起黑沙飛
任你神仙聞此氣

天地無光動殺威
涓涓血水濺征衣

聞太師又問烈焰陣。又是如何。白天君曰。吾烈焰陣妙用無窮。非同凡品。內藏三火。有三昧火。空中火。石中火。三火併爲一炁。中有三首紅幡。若人仙進此陣內。三幡展動。三火齊飛。須臾成爲灰燼。縱有避火真言。難躲三昧真火。有詩爲証。

詩曰

燧人方有空中火
坐守離宮爲首領

煉養丹砂爐內藏
紅幡招動化空亡

太師問落魂陣。奇妙如何。姚天君曰。吾此陣非同小可。乃閉生門。開死戶。中藏天地厲氣。結聚而成。內有白紙幡一。首上存符印。若人仙入陣內。白幡展動。魄消魂散。頃刻而滅。不論神仙。隨入隨滅。有詩爲証。

詩曰

白紙幡搖黑氣生
從來不信神仙體

煉成妙術透虛盈
入陣魂消魂自傾

太師又問如何爲紅水陣。其中妙用如何。王天君曰。吾紅水陣內。奪壬癸之精。藏天乙之妙。變幻莫測。中有一八卦臺。臺上有三個葫蘆。任隨人仙入陣。將葫蘆往下一擲。傾

出紅水汪洋無際。若其水瀆出一點粘在身上。傾刻化爲血水。縱是神仙無術可逃。有詩爲証。

詩曰

爐內陰陽真奧妙

煉成壬癸裡邊藏

饒君就是金鋼體

遇水粘身傾刻亡

聞太師又問紅紗陣。必竟愈出愈奇。更煩請教以快愚。張天君曰。吾紅紗陣果然奇妙。作法更精。內按天地人三才。中分三炁。內藏紅砂三斗。看似紅砂着身。利刃上不知。天下不知地中不知人。若人仙冲入此陣。風雷運處。飛砂傷人。立時骸骨俱成壘粉。縱有神仙佛祖。遭此再不能逃。

有詩爲證

詩曰

紅紗一撮道無窮

八卦爐中玄妙功

萬象包羅爲一處

方知截教有鴻濛

聞太師聽罷。不覺大喜。今得衆道友到此。西岐指日可破。縱有百萬甲兵。千員猛將。無能爲矣。實乃社稷之福也。內有姚天君曰。列位道兄。據貧道論起來。西岐城不過彈丸之地。姜子牙不過淺行之夫。怎經得十絕陣起。只小弟畧施小術。把姜子牙處死。軍中無主。西岐自然瓦解。常言蛇無頭而不行。軍無主而則亂。又何必區區與之較勝負哉。

聞太師曰。道兄若有奇功妙術。使姜尚自死。又不張弓持矢。不致軍士塗炭。此幸之幸矣。敢問如何治法。姚天君曰。不動聲色。二十一日。自然命絕。子牙縱是脫骨神仙。超凡佛祖也。難逃躲。聞太師大喜。更問詳細。姚斌附太師耳曰。須如此如此。自然命絕。又何勞衆道兄費心。聞太師喜不自勝。對衆道友曰。今日姚兄施大法力。爲我聞仲治死。姜尚尚死。諸將自然瓦解。功成至易。真所謂樽俎折衝。談笑而下。西岐大抵今皇上。洪福齊天。致感動列位道兄扶助。衆人曰。此功讓姚賢弟行之。總爲聞兄何言勞逸。姚天君讓過衆人。隨入落魂陣內。築一土臺。設一香案。臺上紮一

艸人。艸人身上寫姜尚的名字。艸人頭上點三盞燈。足下點七盞燈。上三盞名爲催魂燈。下七盞名爲促魄燈。姚天君在其中披髮仗劍。步罡念咒于臺前。發符用印于空中。一日拜三次。連拜了三四日。就把子牙拜的顛三倒四。坐卧不安。不說姚天君行法。且說子牙坐在相府。與諸將商議破陣之策。默默不言。半籌無畫。楊戩在側。見姜丞相或驚或怪。無策無謀。容貌比前大不相同。心下便自疑惑。難道丞相曾在玉虛門下出身。今膺重寄。况上天垂象。應運而興。豈是小可。難道就無計破此十陣。便自顛倒如此。其實不解。楊戩甚是憂慮。又過七八日。姚天君在陣中。把子

牙拜吊了一魂二魄。子牙在相府心煩意燥。進退不寧。十分不爽利。整日不理軍情。慵懶常眠。衆將門徒俱不解。是何緣故。也有疑無策破陣者。也有疑深思靜攝者。不說相府衆人猜疑不一。又過十四五日。姚天君將子牙精魂氣魄。又拜去了四魂二魄。子牙在府不時慾睡。鼻息如雷。且說哪吒楊戩與衆大弟子商議曰。方今兵臨城下。陣擺多時。師叔全不以軍情爲重。只是慾睡。此中必有緣故。楊戩曰。據愚下觀丞相所爲。恁般顛倒。連日如在醉夢之間。似此動作。不相前番。似有人暗算之意。不然丞相學道崑崙。能知五行之術。善察陰陽禍福之機。安有昏迷如是。置大

事若不理者。其中定有說話。衆人齊曰。必有緣故。我等同入臥室。請上殿來商議破敵之事。看是如何。衆人至內室前。問內侍人等。丞相何在。左右侍兒應曰。丞相濃睡未醒。衆人命侍兒請丞相至殿上議事。侍兒忙入室請子牙。出得內室門外。武吉上前告曰。老師每日安寢。不顧軍國重務。關係甚大。將士憂心。懇求老師速理軍情。以安周土。子牙只得勉強出來。陞了殿。衆將上前議論軍前等事。子牙只是不言不語。如痴如醉。忽然一陣風响。哪吒沒奈何來試試子牙陰陽如何。哪吒曰。師叔在上。此風甚是克惡。不知主何凶吉。子牙掐指一算。答曰。今日正該刮風。原無別

事衆人不敢抵觸看官此時子牙被姚天君拜去了魂魄
心中模糊陰陽差錯了故曰該刮風如何知道禍福當日
衆人也無可奈何只得各散言休煩絮不覺又過了二十
日姚天君把子牙二魂六魄俱已拜去了止有得一魂一
魄其日竟拜出泥丸宮子牙已死在相府衆弟子與門下
諸將官連武王駕至相府俱環立而泣武王亦泣而言曰
相父爲國勤勞不曾受享安康一旦致此於心何忍言之
痛心衆將聽武王之言不覺大痛楊戩含淚將子牙身上
摸一摸只見心口還熱忙來啓武王曰不要忙丞相胸前
還熱料不能就死且停在卧榻不言衆將在府中慌亂單

言子牙一魂一魄飄飄蕩蕩杳杳冥冥竟往封神臺來時
有清福神祇迎迓見子牙竟是魂魄清福神栢鑑知道天
意忙將子牙魂魄輕輕的推出封神臺來但子牙原是有
根行的人一心不忘崑崙那魂魄出了封神臺隨風飄飄
蕩蕩如絮飛騰迺至崑崙山來適有南極仙翁閑遊山下
採芝煉藥猛見子牙魂魄渺渺而來南極仙翁仔細觀看
方知是子牙的魂魄仙翁大驚曰子牙絕矣慌忙趕上前
一把綽住了魂魄裝在葫蘆裡面塞住了葫蘆口迺進玉
虛宮啓掌教老師纔進得宮門後面有人叫曰南極仙翁
不要走仙翁及至回頭看時原來是太華山雲霄洞赤精

子仙翁曰。道友那裡來。赤精子曰。閉居無事。特來會你遊海島。適山嶽。訪仙境之高明野士。看其着棋。閉要如何。仙翁曰。不得閑。赤精子曰。如今止了講。你我正得閑。他日若還閑。講你我俱不得閑矣。今日反說是不得閑。兄乃欺我。仙翁曰。我有要緊事。不得陪見。豈爲不得閑之說。赤精子曰。吾知你的事。姜子牙魂魄不能入竅之說。再無他意。仙翁曰。你何以知之。赤精子曰。適來言語。原是戲你。我正爲子牙魂魄趕來。我因先到西岐山封神臺上。見清福神栢鑑說子牙魂魄。方纔至此。被我推出。今遊崑崙山去了。故此特地趕來。方纔見你進宮。故意問你。今子牙魂魄果在

何處。仙翁曰。適開閑遊崖前。只見子牙魂魄飄蕩而至。及仔細觀看。方知今已被吾裝在葫蘆內。要啓老師知之。不意兄至。赤精子曰。多大事。驚動教主。你將葫蘆拿在與我。待吾去救子牙。走一番。仙翁把葫蘆付與赤精子。赤精子心慌意急。借土遁離了崑崙。霎時來至西岐。到了相府前。有楊戩接住。拜倒在地。口稱師伯。今日駕臨。想是爲師叔而來。赤精子荅曰。然也。快爲通報。楊戩入內。報與武王。武王親自出迎。赤精子至銀安殿。對武王打箇稽首。武王竟以師禮待之。尊於上坐。赤精子曰。貧道此來。特爲子牙下山。如今子牙死在那裡。武王同衆將士。引赤精子進了

內榻赤精子見子牙合目不言仰面而卧赤精子曰賢王不必悲啼毋得驚慌只令他魂魄還體自然無事赤精子同武王復至殿上武王請問曰道長相父不絕還是用何藥餌赤精子曰不必用藥自有妙用楊戩在傍問曰幾時救得赤精子曰只消至三更時子牙自然回生眾人俱各懽喜不覺至晚已到三更楊戩來請赤精子整頓衣袍起身出城只見十陣內黑氣迷天陰雲布合悲風颯颯冷霧飄飄有無限鬼哭神嚎竟無底止赤精子見此陣十分險惡用手一指足下先現兩朵白蓮花為護身根本後將麻鞋踏定蓮花輕輕起在空中中止是仙家妙用怎見得有詩

為証

詩曰

道人足下曰蓮生

頂上祥光五色呈

只為神仙犯殺戒

落竟陣內去留名

話說赤精子站在空中見十陣好生兇惡殺氣貫於天界黑霧罩於岐山赤精子正看只見落竟陣內姚斌在那裡披髮仗劍步罡踏斗於雷門又見艸人頂上一盞燈昏昏慘慘足下一盞燈半滅半明姚斌把令牌一擊那燈往下滅一魂一魄在葫蘆中一迸幸葫蘆口見塞住焉能迸得出來姚天君連拜數拜其燈不滅大抵燈不滅魂不絕

姚斌不覺心中焦燥。把令牌一拍大呼曰：「二魂六魄已至。一魂一魄爲何不歸？」不言。姚天君發怒連拜。且說赤精子在空中見姚斌方拜下去。把足下二蓮花往下一坐。來搶艸人。不意姚斌拜起擡頭。看見有人落將下來。乃是赤精子。姚斌曰：「赤精子，原來你敢入吾落魂陣。搶姜尚之魄。忙將一把黑沙望上一洒。赤精子慌忙疾走。饒着走的快。把足下二朵蓮花落在陣裡。赤精子幾乎失陷。落魂陣中急忙架遁。進了西岐。楊戩按住。見赤精子面色恍惚。喘息不定。楊戩曰：「老師可曾救回魂魄？」赤精子搖頭連曰：「好利害。好利害。落魂陣幾乎連我陷于裡面。饒我走得快。猶把我

足下二朵白蓮花打落在陣中。武王聞說大哭曰：「若如此言。相父不能回生矣。」赤精子曰：「賢王不必憂慮。料是無妨。此不過係子牙災殃。如此遲滯貧道。如今往箇所在去來。」武王曰：「老師往那裡去？」赤精子曰：「吾去就來。你們不可走動。好生看待子牙。分付已畢。赤精子離了西岐。脚踏祥光。借土遁來至崑崙山。不一時。有南極仙翁出玉虛宮而來。見赤精子至。忙問子牙魂魄可曾回。赤精子把前事說了一遍。借重道兄啓師尊問箇端的。怎生救得子牙。仙翁聽說入宮至寶座下行禮畢。把子牙事細細陳說一番。元始曰：「吾雖掌此大教。事體尚有疑難。你叫赤精子可去入景

宮見大老爺便知始末。仙翁領命出宮來對赤精子曰：老
師分付，你可往八景宮去。參謁大老爺，便知端的。赤精子
辭了南極仙翁，架祥雲往玄都而來。不一時已到仙山。此
處乃大羅宮玄都洞，是老子所居之地。內有八景宮仙境，
異言令人把玩不暇。有詩為証。

詩曰

仙峰巔險。

峻嶺崔嵬。

坡生瑞艸。

地長靈芝。

根蓮地秀。

頂接天齊。

青松綠柳。

紫菊紅梅。

碧桃銀杏。

火棗交梨。

仙翁判畫。

隱者圍棋。

羣仙談道。

靜講玄機。

聞經怪獸。

聽法狐狸。

彪熊剪尾。

豹舞猿啼。

龍吟虎嘯。

翠落鶯飛。

犀牛望月。

海馬聲嘶。

異禽多變化。

仙鳥世間稀。

孔雀談經句。

仙童玉笛吹。

怪松盤古頂。

寶樹映沙堤。

山高紅日近。

澗澗水流低。

清幽仙境院。

風景勝瑤池。

此間無限景。

世上少人知。

話說赤精子至玄都洞，見上面一聯云：

道判混元曾見太極兩儀生四象。

鴻蒙傳法。又將胡人西度出函關。

赤精子在玄都洞外不敢擅入。等候一會。只見玄都大法師出宮外看見赤精子。問曰。道友到此。有甚麼大事。赤精子打稽首。口稱道。兄。今無甚事。也不敢擅越。只因姜子牙。魂魄遊蕩的事。細說一番。特奉師命來見老爺。敢煩通報。玄都大法師聽說。忙入宮。至蒲團前行禮。啓曰。赤精子宮門外听候法旨。老子曰。招他進來。赤精子入宮。倒身下拜。弟子愿老師萬壽無疆。老子曰。你等犯了此劫。落冤陣。姜尚有愆吾之寶。落冤陣。亦遭此厄。都是天數。汝等謹受法戒。斗玄都大法師取太極圖來。付與赤精子。將吾此圖如

此行去。自然可救。姜尚你速去罷。赤精子得了太極圖。離了大羅宮。一時來至西岐。武王聞說赤精子回來。與眾將迎迓。至殿前。武王忙問曰。老師那裏去來。赤精子曰。今日方救得子牙。眾將所說不覓大喜。楊戩曰。老師還到甚時候。赤精子曰。也到三更時分。諸弟子專專等至三更。來請赤精子。隨即起身出城。行至十陣門前。捏土成道。架在空中。只見姚天君還在那裡拜伏。赤精子將老君太極圖打散。抖開此圖。乃老君劈地開天。分清理濁。定地水火風。包羅萬象之寶。化了一座金橋。五色毫光。照耀山河大地。護持着赤精子。往下一墜。一手正抵住艸人。望空就走。姚天

君忽見赤精子二進落菟陣來大叫曰好赤精子你又來搶我艸人甚是可惡忙將一斗黑砂望上一潑赤精子叫一聲不好把左手一放將太極圖落在陣裡被姚天君所得且說赤精子雖是把艸人抓出陣來反把太極圖失了嚇得菟不附体面如金紙喘息不定在土遁內幾乎失利落下遁光將艸人放下把葫蘆取出收了子牙二菟六魄裝在葫蘆裡面往相府前而來只見衆弟子正在此等候遠遠望見赤精子忻然而來楊戩上前請問曰老師師叔菟魄可曾取得來麼赤精子曰子牙事雖完了吾將掌教大老爺的奇寶失在落菟陣吾未免有陷身之禍衆將同

進相府武王聞得取子牙菟魄已至不覺大喜赤精子至子牙臥榻將子牙頭髮分開用葫蘆口合住子牙泥丸宮連把葫蘆敲了三四下其菟魄依舊入竅少時子牙睜開眼口稱好睡急至看時臥榻前武王赤精子衆門人子牙躍身而起武王曰若非此位老師費心焉得相父今生再面這會子牙方纔醒悟便問道兄何以知之而救不才也赤精子把十絕陣內有一落菟陣姚斌將你菟魄拜入艸人腹內止得一菟一魄天不絕你菟遊崑崙我爲你趕入玉虛宮討你菟魄復入大羅宮蒙掌教大老爺賜太極圖救你不意失在落菟陣中子牙聽畢自悔根行甚淺不能

俱知始末太極圖乃玄妙之珍。今已悞陷奈何。赤精子曰：子牙且調養身體，待乎復後，共議破陣之策。武王回駕，子牙調養數日，方纔全完。翌日陞殿，赤精子與諸人共議破陣之法。赤精子曰：此陣乃左道傍門，不知深奧，既有真命，自然安妥。言未畢，楊戩啓子牙曰：二仙山麻姑洞黃龍真人到此，子牙迎接至銀安殿，行禮畢，分賓主坐下。子牙曰：道兄今到此，有何事見諭？黃龍真人曰：特來西岐共破十絕陣。方今吾等犯了殺戒，輕重有分。衆道友咫尺即來，此處凡俗不便。貧道先至，與子牙議論，可在西門外搭一蘆蓬，帶毀結絲懸花，以便三山五嶽道友齊來，可以安歇。不然

有褻衆聖，甚非尊賢之理。子牙傳令着南宮适、武吉起造蘆蓬，安放蒲殿。又命楊戩在相府門首，但有衆老師至，隨即通報。赤精子對子牙曰：吾等不必在此商議，候造蓬工完，蓬上議事可也。話非一日，武吉來報工完。子牙同二位道友衆門人都出城來聽用。止留武成王掌府事，話說子牙上了蘆蓬，鋪毡佃地，懸花結絲，專候諸道友來至。大抵武王爲應天順人，仙聖自不絕而來。先來的是：

九仙山 桃園洞 廣成子 太華山 雲消洞 赤精子 二
仙山 麻姑洞 黃龍真人 狹龍山 飛雲洞 衛留孫 後入
釋成佛

師。乾元山金光洞太乙真人。崆峒山元陽洞靈寶大法

五龍山雲交洞文殊廣法天尊。後成文殊菩薩

九功山白鶴洞普賢真人。後成普賢菩薩

普陀山落伽洞慈航道人。後成觀世音菩薩

玉泉山金霞洞玉昇真人。金庭山玉屋洞道行天尊

青峰山紫陽洞青虛道德真君

子牙往往迎接上蓬坐下。內有廣成子曰：衆位道友今日前來，興廢可知。真假自辨。子牙公幾時破十絕陣？吾等所從指教。子牙所得此言，竟不附体。欠身言曰：列位道兄，料

不才不過四十年毫末之功，豈能破得此十絕陣？乞列位

道兄憐姜尚才疎學淺，生民塗炭，將土水火，敢煩那一位

道兄與吾代理。解君臣之憂，頌黎庶之倒懸。真社稷生民

之福矣。姜尚不勝幸甚。廣成子曰：吾等自身難保，無虞雖

有所學，不能克敵。此左道之術，彼此互相推讓。正說間，只

見半空中有鹿鳴異香滿地，遍處氤氳，不知是誰來至。且

聽下回分解。

總批：十天王十絕陣，自恃無敵，孰知十人止做了破陣的貼戶。害人者實所以自害，今人何得恃一己之

才而妄自尊大耶。

又批 姚天君之魘魅實爲簡捷子牙乃係應運而興者
豈得擅能撲滅。故當艱疑百折之際又有爲之救
者他人枉自費心。

第四十五回

燃燈議破十絕陣

詩曰

天絕陣中多猛烈。

若逢地烈更難堪。

秦完奏數皆天定。

袁角遭誅是性貪。

雷火燒殘今已雨。

細仙縛去不成三。

區區十陣成何濟。

贏得封神榜上談。

話說衆人正議破陣。主將彼此推讓。只見空中來了一位
道人。跨鹿乘雲。杳風襲襲。怎見得他相貌稀奇。形容古怪。
真是仙人班首。佛祖源流。有詩爲証。

詩曰

一天瑞彩光搖拽。

五色祥雲飛不徹。

鹿鳴空內九臯聲。

紫芝色秀千層葉。

中間現出真人相。

古怪容顏原自別。

神舞虹霓透漢霄。

腰懸寶錄無生滅。

靈鷲山上號燃燈。

時赴蟠桃添壽域。

衆仙知是靈鷲山圓覺洞。燃燈道人齊下蓬來迎接上蓬。行禮坐下。燃燈曰：衆道友先至。貧道來遲。幸勿以此介意。方今十絕陣甚是凶惡。不知以何人爲主。子牙欠身打躬曰：專候老師指教。燃燈曰：吾此來實與子牙代勞執掌符印。二則衆友有厄。特來解釋。三則了吾念頭。子牙公請了。

將符印交與我子牙。與衆人俱大喜曰：道長之言甚是。不謬。隨將印符拜送。燃燈受印符。謝過衆道友。方打點議破十陣之事。正是

雷部正神施猛力。

神仙殺戒也難逃。

話說燃燈道人安排破陣之策。不覺心上咨嗟。此一切必損吾十友。且說聞太師在營中。請十天君上帳。坐而問曰：十陣可曾完全。秦完曰：完已多時。可着人下戰書。知會早成功。以便班師。聞太師忙修書命鄧忠往子牙處來下戰書。有哪吒見鄧忠來至。便問曰：有何事至此。鄧忠答曰：來下戰書。哪吒報與子牙。鄧忠下書。子牙命接上來。

征西大元戎太師聞仲書奉丞相姜子牙麾下古云
率士之濱莫非王臣今無故造反是得罪於天下爲
天下所共棄者也。屢奉天討不行悔罪反恣肆強暴
殺害王師致辱朝庭罪亦罔赦。今擺此十絕陣已完
與爾共決勝負。特着鄧忠將書通會可准定日期。候
爾破敵戰書到日卽此批宣。

子牙看罷書原書批迴。三日後會戰。鄧忠回見太師。三日
後會陣。聞太師乃在大營中設席。敘待十天。君大吹大擂
飲酒。飲至三更。出中軍帳。猛見周家蘆蓬裡衆道人頂上
現出慶雲瑞彩。或金燈。貝葉。瓔珞。垂珠。似簷前滴水。涓涓

不斷。十天君驚曰。崑崙崑山諸人到了。衆皆駭異。各歸本陣。
自去留心。不覺便是三日。那日早晨。成湯營裡炮响喊聲
齊起。聞太師出營。在轅門口。左右分開隊伍。乃鄧辛張陶
四將十陣主各安方向。向西立。只見西岐蘆蓬裡。隱隱幡飄。
靄靄瑞氣。兩邊擺三山五嶽門人。只見頭一對是哪吒黃
天化出來。二對是楊戩雷震子。三對是韓毒龍與薛惡虎。
四對是金吒木吒。怎見得

玉磬金鍾聲兩分。

西岐城下吐祥雲。

從今大破十絕陣。

雷祖英名萬載聞。

話說燃燈掌握元戎領衆仙下蓬。步行排班。緩緩而行。只

見赤精子對廣成子。太乙真人對靈寶大法師。道德真君對衢留孫。文殊廣法天尊對普賢真人。慈航道人對黃龍真人。玉鼎真人對道行天尊。十二代上仙齊齊整整擺在當中。梅花鹿上坐。燃燈道人。赤精子。擊金鍾。廣成子。擊玉磬。只見天絕陣內一聲鍾响。陣門開處。兩杆旛。搖見一道人。怎生模樣。面如藍靛。髮似硃砂。騎黃班鹿出陣。但見蓮子箍頭上。着絳綃衣。綉白鶴。手持四楞黃金鐺。暗帶擒仙玄妙索。蕩三山遊東嶽。金鰲島內燒丹藥。只因煩惱共嗔痴。不在高山受快樂。

且說天絕陣內。秦天君飛出陣來。燃燈道人看左右暗思。並無一箇在劫。先破此陣之人。正話說未了。忽然空中一陣風聲。飄飄落下一位仙家。乃玉虛宮第五位門人鄧華。是也。攥一根方玉圭。見衆道人打箇稽首曰。吾奉師命。特來破天絕陣。燃燈點首自思曰。數定在先。怎逃此厄。尚未回言。只見秦天君大呼曰。玉虛教下誰來見吾此陣。鄧華向前言曰。秦完慢來。不必恃強。自肆猖獗。秦完曰。你是何人。敢出大言。鄧華曰。業障。你連我也認不得了。吾乃玉虛門下鄧華是也。秦完曰。你敢來會我此陣否。鄧華曰。既奉勅下山。怎肯空回。提畫戟就刺秦完。催鹿相還。步鹿交加。殺在天絕陣前。怎見得。

這一箇輕移道步。那一箇兜轉黃班。輕移道步。展動描
金五色旛。兜轉黃斑。金鏑使開龍擺尾。這一箇道心退
後。惡心生。那一箇那長生真妙訣。這一箇藍臉上殺光
直透三千丈。那一箇粉臉上惡氣冲破五雲端。一个是
雷部天君施威仗勇。一个是日宮神聖氣槩軒昂。正是
封神臺上標名客。怎免誅身戮體災。

話說秦天君與鄧華戰未及三五回合。空丟一鏑往陣內
就走。鄧華隨後趕來。見秦完走進陣門。出了鄧華也趕入
陣內。秦天君見鄧華趕急上了板臺。臺上有几案。案上有
三首旛。秦天君將旛執在手。左右連轉數轉。將旛往下一

擲。雷聲交作。只見鄧華昏昏懨懨。不知南北西東。倒在地
下。秦完下板臺。將鄧華取了首級。擄出陣來。大呼曰。崑崙
教下誰敢再觀吾天絕陣也。燃燈看見鄧華首級。不覺咨
嗟。可憐數年道行。今日結果。又見秦完復來叫陣。乃命文
殊廣法天尊先破此陣。燃燈分付務要小心。文殊曰。知道。
領法牒作歌出曰。

欲試鋒芒敢憚勞

手中紫氣三千丈

金闕曉臨談道德

奉師法旨離仙府

凌香寶匣玉龍號

頂上凌雲百尺高

玉京時去種蟠桃

也到紅塵走一遭

文殊廣法天尊問曰。秦完你截教無拘無束。原自快樂。爲何擺此天絕陣。陷害生靈。我今既來破陣。必開殺戒。非是我等滅却慈悲。無非了此前因。你等勿自後悔。秦完大笑曰。你等是閑樂神仙。怎的也來受此苦惱。你也不知吾所練陣中。無盡無窮之妙。非我逼你。是你等自取大厄。文殊廣法天尊咲曰。也不知是誰取絕命之愆。秦完大怒。執劍就打天尊道。善哉。將劍攔架招隔。未及數合。秦完敗走。進陣。天尊赶到天絕陣門首。見裡面颯颯寒霧。蕭蕭悲風。也自遲疑。不敢擅入。只聽得後面金鐘响處。只得要進陣去。天尊把手往下一指。平地有兩朵白蓮而出。天尊足踏二

蓮。飄飄而進。秦天君大叫曰。文殊廣法天尊。你縱開口有金蓮。垂手有白光。也出不得吾天絕陣也。天尊咲曰。此何難哉。把口一張。有斗大一朵金蓮噴出。左手五指裡有五道白光垂地。倒往上捲。白光頂上。有一朵蓮花。花上有五盞金燈引路。且說秦完將三首幡如前施展。只見文殊廣法天尊頂上有慶雲。升起五色毫光。內有纓絡垂珠。掛將下來。手托七寶金蓮。現了化身。怎見得。

悟得靈臺體自殊

自由自在法難拘

二花久已朝元海

纓絡垂絲頂上珠

話說秦天君把幡搖了數十搖。也擡不動。廣法天尊天尊

在光裡言曰。秦完貧道今日放不得你。要完吾殺戒。把遁龍椿望空中一撒。將秦天君遁住了。此椿按三才上下有三圈。將秦完縛得逼直。廣法天尊對崑崙打箇稽首曰。弟子今日開此殺戒。將寶劍一劈。取了秦完首級。拎將出天絕陣來。聞太師在墨麒麟上一見秦完被斬。大叫一聲氣殺老夫。催動坐騎。大叫文殊。你走吾來也。天尊不理。麒麟來得甚急。似一陣黑烟滾來。怎見得後人有詩讚曰。

詩曰

怒氣凌空怎按摩。

一心只要動干戈。

休言此陣無贏日。

縱有奇謀俱自訛。

且說燃燈後面黃龍真人乘鶴飛來。阻住聞太師曰。秦完天絕陣壞吾鄧華師弟。想秦完身亡。足以相敵。今十陣方纔破一。還有九陣未見。雌雄原是闔法。不必持強。你且漸退。只聽得地烈陣一聲鐘响。趙江在梅花鹿上作歌而出。

歌曰

妙妙妙中妙。玄玄玄更玄。動言俱演道。默語是神仙。在掌如珠異。當空似月圓。功成歸物外。直入大羅天。趙天君大呼曰。廣法天尊。既破了天絕陣。誰敢會我地烈陣。糜冲殺而來。燃燈道人命韓毒龍破地烈陣。走一遭。韓毒龍躍身而出。大呼曰。不可亂行。吾來也。趙天君問曰。你

是何人敢來見我韓毒龍曰。這行天尊門下奉燃燈師父法旨。特來破你地烈陣。趙江笑曰。你不過毫末道行。怎敢來破吾陣。空喪性命。提手中劍飛來。直取韓毒龍手中劍。赴面交還。劍來架劍。猶如紫電飛空。一似寒水出谷。戰有五六回合。趙江揮一劍望陣內敗走。韓毒龍隨後跟來。趕至陣中。趙天君上了板臺。將五方旛搖動。四下裡怪雲捲起。一聲雷鳴。上有火罩。上下交攻。雷火齊發。可憐韓毒龍不一時身體成爲齏粉。一道靈魂往封神臺來。有清福神祇引進去了。且說趙天君復上梅花鹿出陣。大呼闡教道友。別着久有道行的。來見此陣。毋得使根行淺薄之人至。

此枉喪性命。誰敢再會吾。此陣燃燈道人曰。懼留孫去走一番。懼留孫領命作歌而來。

歌曰

交光日月煉金英。一粒靈珠透室明。擺動乾坤知道力。逃移生死見功成。逍遙四海留踪跡。歸在玄都立姓名。直上五雲雲路穩。紫鸞朱鶴自來迎。

懼留孫躍步而出。見趙天君縱鹿而來。怎生粧束。但見碧玉冠。一點紅。翡翠袍。花一叢。絲絲結就乾坤樣。足下常登兩朵雲。太阿劍。現七星。誅龍虎。斬妖精。九龍島內。真靈土。要與成湯立大功。

懼留孫曰。趙江你乃截教之仙。與吾輩大不相同。立心險惡。如何擺此惡陣。逆天行事。休言你胸中道術。只怕你封神臺上。難逃目下之災。趙天君大怒。提劍飛來。直取懼留孫。執劍赴面。交還未及數合。依前走入陣內。懼留孫隨後趕至陣前。不敢輕進。只聽得後有鍾聲催响。只得入陣。趙天君已上板臺。將五方旛如前運用。懼留孫見勢不好。先把天門開了。現出慶雲。保護其身。然後取細仙繩。命黃巾力士將趙江拿在蘆蓬。聽候指揮。但見

金光出手萬仙驚。

一道英風透體生。

地烈陣中施妙法。

平空捲去上蘆棚。

話說懼留孫將細仙繩。命黃巾力士拎往蘆蓬。下一摔把趙江跌的三昧火七竅中噴出。遂破了地烈陣。懼留孫徐徐而回。聞太師又見破了地烈陣。趙江被擒在墨麒麟背上。聲若巨雷。大叫曰。懼留孫莫走。吾來也。時有玉鼎真人曰。聞兄不必這等。我輩奉玉虛宮符命。下世身惹紅塵。來破十陣。纔破兩陣。尚有八陣。未見明白。况原言過閻法。何勞聲色。非道中之高明也。把闡太師說得默默無言。燃燈道人命暫且回去。聞太師亦進老營。請入陣主帥議曰。今方破二陣。反傷二位道友。使我聞仲心下。實是不忍。董天君曰。事有定數。既到其間。亦不容收拾。如今把吾風吼陣。

定成大功。與聞太師共議不提。且說燃燈道人回至蓬上。懼留孫將趙江提在蓬下來。啓燃燈。燃燈曰：將趙江吊在蘆蓬上。衆仙啓燃燈道人：風吼陣明日可破。麼燃燈道：破不得。這風吼陣非世間風也。此風乃地水火之風。若一運動之時。風內有萬刃齊至。何以抵當。須得先借得定風珠。治住了風。然後此陣方能得破。衆位道友曰：那裡去借定風珠。內有靈寶大法師曰：吾有一道友在九鼎鉄叉山。八寶雲光洞。度厄真人有定風珠。弟子修書可以借得。子牙差文官一員。武將一員。速去借珠。風吼陣自然可破。子牙慌差散宜生、晁田、武文二名。星夜往九鼎鉄叉山。八寶雲

光洞來取定風珠。二人離了西岐。逕往大道。非止一日。渡了黃河。又過數日。行到九鼎鉄叉山。怎見得

嗟峨轟轟峻險巍巍。嗟峨轟轟冲霄漢。峻險巍巍碧碍空。怪石亂堆如坐虎。蒼松斜掛似飛龍。嶺上烏啼嬌韻美。崖前梅放異香濃。澗水潺潺流出冷。巔雲黯淡過來凶。又見飄飄霧凜凜。風咆哮。虎吼山中寒。鴉揀樹無棲處。野鹿尋高沒定踪。可嘆行人難進步。皺眉愁臉把頭蒙。

話說宜生、晁田二騎上山。至洞門下馬。只見有一童子出洞。宜生日：師兄請煩通報老師。西周差官散宜生求見童

子進裡面去。少時出來道：請宜生進洞見一道人，坐于蒲團之上。宜生行禮，將書呈上。道人看書畢，對宜生日：先生此來爲借定風珠。此時群仙聚集，會破十絕陣，皆是定數。我也不得不允。况有靈寶師兄華扎，只是一路去，須要小心，不可失候。隨將一顆定風珠付與宜生。宜生謝了道人，慌忙下山。同晁田上馬揚鞭，急走不顧巔危，跋涉沿黃河走了兩日，却無渡船。宜生對晁田曰：前日來到處有渡船，如今却無渡船者，何也？只見前面有一人來，晁田問曰：過路的漢子，此處未何竟無渡口？行人答曰：官人不知，近日新來兩個惡人，大力無窮，把黃河渡口俱被他趕個罄盡。

離此五里，留個渡口，都要從他那裡過。儘他措勒渡河錢，人不敢拗他，要多少就是多少。宜生聽說有如此事，數日就有變更。速馬前行，果見兩個大漢子不撐船，然只用木筏將兩條繩子，左邊上筏，右邊拽過去，右邊上筏，左邊拽過來。宜生心上也甚是驚駭，果然力大，且是爽利，心忙意急。等晁田來同渡，只見晁田馬至面前，他認得是方彌，方相兄弟二人，在此盤河。晁田曰：方將軍，方彌看時認得是晁田。方彌曰：晁兄，你往那里去來？晁田曰：煩你渡吾過河。方彌隨將筏牌，同宜生、晁田渡過黃河上岸。方相、方彌相見，叙其舊日之好。方彌問曰：晁兄往那里去來？晁田將取

定風珠之事說了一遍。方弼又問此位是何人。晁田曰：此是西岐上大夫散宜生。方弼曰：你乃紂臣，爲甚事同他走。晁田曰：紂王失政，吾已歸順武王。如今聞太師征伐西岐，擺下十絕陣，今要破風吼陣，借此定風珠來。今日有幸，得遇你昆玉方弼，自思昔日反了朝歌，得罪紂王，一向流落。今日將定風珠捨去，將功贖罪，却不是好。我兄弟還可復職。因問曰：散大夫怎麼樣的，就叫做定風珠。借吾一看，以長見識。宜生見方弼渡他過河，况是晁田認得，怏怏取出來，遞與方弼。方弼打開看過了，把包兒往腰裏面一塞。此珠當作過河船資，遂不答話，徑往正南大路去了。晁田不敢

攔阻。方弼方相身高三丈有餘，力大無窮，怎敢惹他。把宜生嚇的魂飛魄散，大哭曰：此來跋跡數千里途程，今一旦被他搶去，怎生是好。將何面見姜丞相諸人。抽身往黃河中要跳。晁田把宜生抱住曰：大夫不要性急，吾等死不足惜。但姜丞相命我二人取此珠破風吼陣，急如風火，不幸被他劫去。吾等死于黃河，姜丞相不知信音，有悞國家大事。是不忠也。中途被劫，是不智也。我和你慨然見姜丞相報知，所以令他別作良圖，寧死刀下，庶幾少減此不忠不智之罪。你我如今不明不白死了，兩下擔悞，其罪更甚。宜生嘆曰：誰知此處遭殃。二人上馬往前，加鞭急走。行不過

十五里只見前面兩杆旗旛飛出山口。後聽根車之聲。宜生馬至根前。看見是武成王黃飛虎。催根過此。宜生下馬。武成王下騎曰。大夫往那裡來。宜生哭拜在地。黃飛虎答禮。問晁田曰。散大夫有甚事。這等悲泣。宜生把取定風珠。渡黃河。遇方弼。搶去的事。說了一番。黃飛虎曰。幾時劫去。宜生日。去而不遠。飛虎曰。不妨。吾與大夫取來。你們在此。略等片時。飛虎上了神牛。此騎兩頭。見日走八百里。撇開轡頭。趕不多時。已自趕上。只見兄弟二人在前面。混混蕩蕩而行。黃于歲大叫曰。方弼方相慢行。方弼回頭。見是武成王黃飛虎。多年不見。見他在道傍跪下。問武成王曰。于歲

那裡去。飛虎大喝曰。你爲何把散宜生定風珠都搶了來。方弼曰。他與我作過渡錢。誰搶他的。飛虎曰。快拿來與我。方相雙手獻與黃飛虎。飛虎曰。你二人一向在那裡。方弼曰。自別大王。我弟兄盤河過日子。苦不堪言。飛虎曰。我棄了成湯。今歸周國。武王真乃聖主。仁德如堯舜。三分天下。已有二分。會聞太師在西岐征伐。屢戰不能取勝。你旣無所歸。不若同我歸順武王。御前亦不失封侯之位。不然辜負你弟兄本領。方弼曰。大王若肯提拔。乃愚兄弟再生之恩矣。有何不可。飛虎曰。旣如此。隨吾來。二人隨着武成王。飛騎而來。霎時卽至。宜生晁田見方家弟兄根着而來。赫

的。竟不負體。武成王下騎。將定風珠。付與宜生。你二位先行。吾帶方弼。方相後來。且說宜生。晁田。星夜趕至西岐。蓬下來見子牙。子牙問取定風珠的事。如何。宜生把渡黃河被劫之事。說了一遍。子牙大喝宜生。倘然定風珠。若是國聖。也被中途搶去了。且帶罪暫退。子牙將定風珠。上蓬現與燃燈道人。衆仙曰。既有此珠。明日可破風吼陣。不知勝負。若何。且聽下回分解。

總批 破一陣必先用一個賠償性命的。此便是佛家輪迴報應之說。執一而不可破。當日只顧用後面一個去破。何等直捷省事乎。

第四十六回

廣成子破金光陣

詩曰

仙佛從來少怨尤。

只因煩惱惹閑愁。

持強自棄千年業。

用暴須擽萬劫脩。

幾度看來悲往事。

從前惡省爲誰讐。

可憐羽化封神日。

俱作南柯夢裏遊。

話說燃燈道人。次日共十二弟子。排班下蓬。將金鍾玉磬。頻敲一齊出陣。只見成湯營裡。一聲炮响。聞太師乘騎。早至轅門。看子牙破風吼陣。董天君作歌而來。騎八叉鹿。提兩口太阿劍。歌曰。

得到清平有甚憂。

丹爐乾馬配坤牛。

從來看破紛紛亂。

一點靈臺只自由。

話說董天君鹿走如飛。陣前高叫燃燈。觀左右無人可先。入風吼陣。忽然見黃飛虎領方弼方相來見子牙。稟曰。末將催糧收此二將。乃紂王駕下鎮殿大將軍。方弼方相兄弟二人。子牙大喜。猛然問燃燈道人。看見兩個大漢。問子牙曰。此是何人。子牙曰。黃飛虎新收二將。乃是方弼方相。燃燈嘆曰。天數已定。萬物難逃。就命方弼破風吼陣。走一遭。子牙遂令方弼破風吼陣。可憐方弼不過是俗子凡夫。那裡知道其中幻術。便應聲願往。持戟拽步如飛。虎走至陣前。董天君見一大漢。高三丈有餘。面如重棗。一部落腮。鬚髯四隻。眼睛甚是兇惡。董天君看罷。着實駭然。怎見得有讚爲証。讚曰。

陣前董天君見一大漢。高三丈有餘。面如重棗。一部落腮。鬚髯四隻。眼睛甚是兇惡。董天君看罷。着實駭然。怎見得有讚爲証。讚曰。

三叉冠烏雲蕩漾。鉄掩心砌就龍鱗。翠藍袍團花燦爛。畫桿戟烈烈征雲。四日生光真顯耀。臉如重棗像蝦紅。一步落腮飄腦後。平生正直最英雄。曾反朝歌保太子。盤河渡口遇宣生。歸周末受封官爵。風吼陣上見奇功。只因前定垂天象。顯道神封久注名。

話說方弼見董天君大呼曰。妖道慢來。就是一戟。董天君那裡招架的住。只是一合。便往陣裡走了。子牙命左右播

鼓方弼耳聞鼓聲响。拖戟趕來至風吼陣門前。逕冲將進去。他那裡知道陣內無窮奧妙。只見董天君上了板臺。將黑旛搖動。黑風搖起。有萬千兵刃。殺將下來。只聽得一聲响。方弼四肢已爲數段。跌倒在地。一道靈魂往封神臺清福神柙鑑引進去了。董天君命士卒將方弼尸首拖出陣來。董全催鹿復至陣前。大呼曰。玉虛道友。爾等把一凡夫。悞送性命。汝心安乎。既是高明道德之士來會吾。此陣便是玉石也。燃燈乃命慈航道人。你將定風珠拿去。破此風吼陣。慈航道人領法旨。乃作歌曰。

自隱玄都不記春。

幾回蒼海變成塵。

玉京金闕朝元始。

紫府丹霄悟妙真。

喜集化成千歲鶴。

閑來高臥萬年身。

吾今已得長生術。

未肯輕傳與世人。

話說慈航道人謂董全曰。道友。吾輩逢此殺戒。爾等最是逍遙。何苦擺此陣勢。自取滅亡。當時僉押封神榜。你可曾在碧遊宮聽你掌教師尊。曾說有兩句偈言。帖在宮門淨誦黃庭緊閉洞。如染西土受災殃。董天君曰。你闡教門下。自倚道術精奇。屢屢將吾輩藐視。我等方纔下山。道友。你是爲善好樂之客。速回去。再着別個來。休惹苦惱。慈航曰。連你一身也顧不來。還要顧我。董全大怒。執寶劍望慈航。

直取慈航架劍口稱善哉方纔用劍相還來往有三五回
合董天君往陣中便走慈航道人隨後趕來到得陣門前
亦不敢擅入裡面去只聽得腦後鍾聲頻催乃徐徐而入
只見董天君上了板臺將黑旛搖動黑風捲起由如壞方
湧一般慈航道人頂上有定風珠此風焉能得至不知此
風不至刀刃怎麼得來慈航將清淨瑠璃瓶祭於空中命
黃巾力士將瓶底朝天瓶口朝地只見瓶中一道黑氣一
聲響將董全吸在瓶中去了慈航命力士將瓶口轉上帶
出風吼陣來只見聞太師坐在墨麒麟身上專聽陣中消
息只見慈航道人出來對聞太師曰風吼陣已被吾破矣

命黃巾力士將瓶傾下來怎見得只見

絲絲道服麻鞋在

渾身皮肉化成濃

董全一道靈魂往封神臺來清福神栢鑑引進去了聞太
師見而大呼曰氣殺吾也將麒麟儘開提金鞭冲殺過來
有黃龍真人乘鶴急止之曰聞太師你十陣方破三陣何
必又動無明來亂吾班次只聽得寒冰陣主大叫聞太師
且不要爭先待吾來也乃信口作歌曰

玄中奧妙少人知

變化隨機事事奇

九轉功成爐內寶

從來應笑世人痴

話說聞太師只得立住那寒冰陣內袁天君歌罷大叫聞

教門下誰來會吾此陣。燃燈道人命道行天尊門徒薛惡
虎。你破寒冰陣走一遭。薛惡虎領命提劍蜂擁而來。袁天
君見是一個道童。乃曰。那道童速自退去。着你師父來。薛
惡虎怒曰。奉命而來。豈有善回之理。執劍砍來。袁天君大
怒。將劍來迎。戰有數合。便走入陣內去了。薛惡虎隨後趕
入陣來。只見袁天君上了板臺。用手將黑旛搖動。上有冰
山。卽似刀山一樣。往下磕來。下有冰塊。如狼牙一般。往上
湊合。任你是甚麼人。湯之卽爲糜粉。薛惡虎一入其中。只
聽得一聲响。磕成肉泥。一道靈魂。逕往封神臺去了。陣中
墨氣上昇。道行天尊嘆曰。門人兩個。今絕於二陣之中。又

見袁天君跨鹿而來。便叫你們十二位之內。乃是上仙名
士。誰來會吾此陣。乃令此無甚道術之人。來送性命。燃燈
道人命普賢真人走一遭。普賢真人作歌而來。歌曰。

道德根源不敢忘。

寒冰看破火消霜。

塵心不解遭魔障。

堪傷。

眼前咫尺失天堂。

普賢真人歌罷。袁天君怒氣紛紛。持劍而至。普賢真人曰。
袁角。你何苦作孽。擺此惡陣。貧道此來入陣時。一則開吾
殺戒。二則你道行功夫。一但失却。後悔何及。袁天君大怒。
仗劍直取。普賢真人。將手中劍架住。口稱善哉。二人戰有
三五合。袁角便走入陣中去了。普賢真人隨卽走進陣來。

袁天君上了板臺將黑旛招動。上有冰山一座打將下來。普賢真人用指上放一道白光如線長出一朵慶雲高有數丈。上有八角。角上乃金燈。纓絡垂珠。護持頂上。其冰見金燈自然消化。毫不能傷。有一個時辰。袁天君見其陣已破。方欲抽身。普賢真人用吳鉤劍飛來。將袁天君斬于臺下。袁角一道靈魂被清福神引進封神臺去了。普賢收了雲光大袖迎風飄飄而出。聞太師又見破了寒冰陣。欲為袁角報讎。只見金光陣主乃金光聖母撒開五點班豹駒。囑聲作歌而來。歌曰。

真大道。不多言。運用之間恒覺察。

放開二目見天光。此卽是神仙。

話說金光聖母騎五點班豹駒。提飛金劍大呼曰。闡教門人誰來破吾金光陣。燃燈道人看左右無人。先破此陣。正沒計較。只見空中飄然墜下一位道人。面如傅粉。唇似丹珠。怎見得有詩為証。詩曰。

道服先天氣。蓋昂竹冠麻履異尋常。

絲絲腰下飛鸞尾。寶劍鋒中起燁光。

全氣全神真道士。伏龍伏虎仗仙方。

袖藏奇寶欽神鬼。封神榜上把名揚。

話說衆道人看時。乃是玉虛宮門下蕭臻。蕭臻對衆仙稽

首日吾奉師命下山特來破金光陣。只見金光聖母大呼曰：闡教門下誰來會吾此陣？言未畢，蕭臻轉身曰：吾來也。金光聖母認不得蕭臻，問曰：來者是誰？蕭臻咲曰：你連我也認不得了。吾乃玉虛門下蕭臻的，便是。金光聖母曰：爾有何道行，敢來會吾此陣？執劍來取蕭臻。徹步赴面交還。二人戰未及三五合，金光聖母撥馬往陣中飛走。蕭臻大呼：不要去。吾來了。逕趕入金光陣內，至一臺下。金光聖母下駒上臺，將二十一根杆上吊着鏡子。鏡子上每面有一套套住鏡子。聖母將繩子拽起，其鏡現出。把手一放，明雷响處，振動鏡子，連轉數次，放出金光，射着蕭臻，大叫一聲。

可憐正是

百年道行從今滅。

衣袍身體影無踪。

蕭臻一道靈魂，清福神栢鑑引進封神臺去。金光聖母復上了班豹駒，走至陣前，曰：蕭臻已絕，誰敢會吾此陣？燃燈道人命廣成子你去走一遭。廣成子領命作歌曰：

有緣得悟本來真。

曾在終南遇聖人。

指出長生千古秀。

生成玉蕊萬年新。

渾身是口難爲道。

大地飛塵別有春。

吾道了然成一貫。

不明一字最艱辛。

話說金光聖母見廣成子飄然而來，大呼曰：廣成子，你也



敢會吾此陣。廣成子曰：此陣有何難破，聊爲兒戲耳。金光
聖母大怒，仗劍來取。廣成子執劍相迎，戰未及三五合。金
光聖母轉身往陣中走了。廣成子隨後趕入金光陣內，見
臺前有幡杆二十一根，上有物件掛着。金光聖母上臺，將
繩子攬住，拽起套來，現出鏡子。發雷振動，金光射將下來。
廣成子忙將八卦仙衣打開，連頭裹定，不見其身。金光總
有精奇奧妙，侵不得八卦紫壽衣。有一個時辰，金光不能
透入其身。雷聲不能振動其形。廣成子暗將番天印往八
卦仙衣底下打將上來，一聲响，把鏡子打碎了十九面。金
光聖母着慌，忙拿兩面鏡子在手，方欲搖動，急發金光來。

照廣成子。早被廣成子復祭番天寶印打來。金光聖母躲
不及，正中頂門，腦漿迸出。一道靈魂早進封神臺去了。廣
成子破了金光陣，方出陣門。聞太師得知金光聖母已死，
大叫曰：廣成子休走。吾與金光聖母報讐。麒麟走動如飛，
只見化血陣內孫天君大呼曰：聞兄不必動怒，待吾擒他。
與金光聖母報讐。孫天君面如重棗，一步短髯，戴虎頭冠，
乘黃班鹿飛滾而來。燃燈道人顧左右，併無一人去得。偶
然見一道人慌忙而至，與衆人打稽首曰：衆位道兄請了。
燃燈曰：道者何來。高姓大名。道人曰：衲子乃五夷山白雲
洞散人喬坤是也。聞十絕陣內化血陣，吾當協助子牙。

未了。孫天君叫曰：誰來會吾此陣？喬坤抖搜精神曰：吾來了。仗劍在手，向前問曰：爾等雖是截教，總是出家人，爲何起心不良，擺此惡陣？孫天君曰：爾是何人，敢來破吾化血陣？快快回去，免遭枉死。喬坤大怒罵曰：孫良，你休誇海口。吾定破爾陣，拿你梟首。號令西岐，孫天君大怒，縱鹿仗劍來取。喬坤赴面交還，未及數合，孫天君敗入陣。喬坤隨後趕入陣中，孫天君上臺，將一片黑沙往下打來，正中喬坤。正是：

沙占袍服身爲血。

化作津津遍地紅。

喬坤一道靈魂已進封神臺去了。孫天君復出陣前大呼：

日燃燈道友，你着無名下士來破吾陣，枉喪其身，燃燈命

太乙真人你去走一遭。太乙真人作歌而來，乃作歌曰：

當年有志學長生。

今日方知道行精。

運動坤乾顛倒理。

轉移月日互爲明。

蒼龍有意歸離臥。

白虎多情覓坎行。

欲煉九還何處是。

震宮雷動于西成。

太乙真人歌罷，孫天君曰：道兄，你非是見吾此陣之妙。太乙真人咲曰：道友休誇大口，吾進此陣，如入無人之境耳。孫天君大怒，催鹿仗劍直取。太乙真人用劍相還，未及三五合，孫天君便往陣中去了。太乙真人聽腦後金鍾催响。

至陣門將手往下一指。地現兩朵青蓮。真人腳踏二花。騰騰而入。真人用左手一指。指上放出一道白光。高有一二丈。頂上現一朵慶雲。旋在空中。護于頂上。孫天君在臺上。抓一把黑沙。打將下來。其沙方至頂雲。如雪見烈焰一般。自滅無踪。孫天君大怒。將一斗黑沙往下一潑。其沙飛揚而去。自滅自消。孫天君見此術不應。抽身逃遁。太乙真人。忙將九龍神火罩。祭於空中。孫天君合該如此。將身罩住。真人雙手一拍。只見現出九條火龍。將罩盤繞。頃刻燒成灰燼。一道靈魂。往封神臺去了。聞太師在老營外。見太乙真人。又破了化血陣。大叫曰。太乙真人休回去。吾來了。只

見黃龍真人乘鶴而至。立阻闖太師曰。大人之語。豈得失信。十陣方纔破六。爾且漸回。明日再會。如今不必這等恃強。雌雄自有分定。聞太師氣冲斗牛。神目光輝。鬚髮皆豎。回進老營。忙請四陣主入帳。太師泣對四天君曰。吾受國恩。官居極品。以身報國。理之當然。今日六友遭殃。吾心何忍。四位請回海島。待吾與姜尚決一死戰。誓不俱生。太師道罷。泪如雨下。四天君曰。聞兄且自寬慰。此是天數。吾等各有所主張。俱回本陣去了。且說燃燈與太乙真人。回至蘆蓬。默坐不言。子牙打點前後。話說聞太師獨自尋思。無計可施。忽然想起峨嵋山羅浮洞趙公明。心下躊躇。若得此

人來大事庶幾可定。忙喚吉立余慶。好生守營。我往峨嵋山去來。二人領命。太師隨上墨麒麟。掛金鞭。借風雲往羅浮洞來。正是

神風一陣行千里。

方顯玄門道術高。

霎時到了峨嵋山。羅浮洞下了麒麟。太師觀看其山真清幽僻淨。鶴鹿紛紜。猿猴來往。洞門前懸掛藤蘿。太師問有人否。少時有一童子出來。見太師三隻眼。問曰。老爺那裡來的。太師曰。你師父可在麼。童兒答曰。在洞裡靜坐。太師曰。你說商都聞太師來訪。童兒進來見師父。報曰。有聞太師來拜訪。趙公明聽說。忙出洞迎接。見聞太師大咲曰。聞

道兒。那一陣風兒吹你到此。你享人間富貴。受用金屋繁華。全不念道門光景。清淡家風。二人携手進洞。行禮坐下。聞太師長吁一聲。未及開言。趙公明問曰。道兒爲何長吁。聞太師曰。我聞仲奉詔征西。討伐叛逆。不意崑崙教下姜尚。善能謀謨。助惡者衆。朋黨作奸。屢屢失機。無計可施。不得已往金鰲島。邀秦完等十友協助。乃擺十絕陣。指望擒獲姜尚。孰知今破有六。反損六位道友。無故遭殃。實爲可恨。今日自思無門可投。忝愧到此。煩兄一往。不知道見尊意如何。公明曰。你當時恁不早來。今日之敗。乃自取之也。既然如此。兄且先回。吾隨後卽至。太師大喜。辭了公明。

騎借風雲回營。不表。且說趙公明喚門徒陳九公姚少司。隨我往西岐去。兩個門徒領命。公明打點起身。喚童兒好生看守洞府。吾去就來。帶兩個門人。借土遁往西岐。正行之間。忽然落下來。是一座高山上。正是

異景奇花觀不盡

分明生就小蓬萊

趙公明正看山中景致。猛然山腳下一陣狂風大作。捲起灰塵。公明看時。只見一隻猛虎來了。咲曰。此去也無坐騎。跨虎登山。正是好事。只見那虎剪尾搖頭而來。怎見得

詩曰

咆哮踴躍出深山

幾點英雄汗血斑

利爪如鈎心胆壯

剛牙似劍勢兇頑

未曾行處風先動

纔作奔騰草自扳

任是獸羣應畏服

敢撻威猛等閒閒

話說趙公明見一黑虎而來。喜不自勝。正用得着你掉步向前。將二指伏虎在地。用絲絛套住虎項。跨在虎背上。把虎頭一拍。用符印一道。畫在虎項上。那虎四足就起風雲。霎時間來到成湯營。轅門下虎衆軍大叫虎來了。陳九公曰。不妨。乃是家虎。快報與聞太師。趙老爺已至轅門。太師聞報。忙出營迎迓。二人至中軍帳坐下。有四陣主來相見。共談軍務之事。趙公明曰。四位道兄如何擺十絕陣。反損

了六位道友。此情真是可恨。正說間。猛然擡頭。只見子牙
蘆蓬上。弔着趙江。公明問曰。那蓬上弔的是誰。天君曰。
道兄。那就是地烈陣主趙江。公明大怒。豈有此理。三教原
來總一般。彼將趙江如此之辱。吾輩體面何存。待吾也將
他的人。拿一個來弔着。看他意下如何。隨上虎提鞭。聞太
師同四陣主出營。看趙公明來會姜子牙。不知勝負如何。
且聽下回分解。

總批

十陣主自恃無敵。故屢屢遭敗。理勢然也。若燃燈等
必竟是以靜待動。故動徹致勝。古語欺敵者亡。從來

任一已用事的。都做不出好事來。可爲自用者之戒。

又批

十絕陣主。剛暴自任。理合取敗。大抵聞太師實是勾
魂使。只無奈燃燈亦以十箇人去填陷。若有意送去的。
此還是天數乎。果不可逃者乎。當與知數學者商
之。

楊戩金木二吒擁護。只見杏黃旗招展。黑虎上坐一道人。怎見得。

天地玄黃脩道德。洪荒宇宙煉元神。虎龍嘯聚風雲鼎。烏兔週旋卯酉晨。五遁三除閑戲耍。移山倒海等閑掄。掌上曾安天地訣。一雙草履任遊巡。五氣朝元真罕事。三花聚頂自長春。峨嵋山下聲名遠。得到羅浮有幾人。詰說子牙見公明。向前施禮口稱道。友是那一座名山。何處洞府。公明日。吾乃峨嵋山羅浮洞趙公明是也。你破吾道友六陣。倚仗你等道術。壞吾六友。心實痛切。又把趙江高弔蘆蓬。情俱可恨。姜尚我知你是玉虛宮門下。我今日

下山必定與你見個高低。提鞭縱虎來取子牙。子牙仗劍急架。忙還二獸相交。未及數合。公明祭鞭在空中。神光閃灼如電。其實驚人。子牙躲不及。被一鞭打下鞍韉。哪吒急來使火尖鎗。敵住公明。金吒救回姜子牙。子牙被鞭打傷。後心死了。哪吒使開鎗法。戰未數合。又被公明一鞭打下。風火輪來。黃天化看見。催開玉麒麟。使兩柄鎚。抵住公明。又飛起雷震子。展開黃金棍。往下打來。楊戩縱馬搖鎗。將趙公明裹在垓心。好殺。只殺得。

天昏地慘無光彩。

宇宙渾然黑霧迷。

趙公明被三人裹住了。雷震子是上三路。黃天化是中三

路楊戩暗將哮天犬放起。形如白象。怎見得好犬。

仙犬脩成號細腰。

形如白象勢如梟。

銅頭鉄頸難招架。

遭遇兇鋒骨亦消。

話說楊戩暗放哮天犬。趙公明不防備。早被哮天犬一口。把頸項咬傷。將袍服扯碎。只得撥虎逃歸。進轅門。聞太師見公明失利。慌忙上前慰勞。趙公明日不妨。忙將葫蘆中仙藥取出。搽上。卽時全愈。不表。且說子牙被趙公明一鞭打死。擡進相府。武王知子牙打死。忙同文武衆官至相府來看子牙。只見子牙面如白紙。合目不言。不覺點首嘆曰。名利二字。俱成畫餅。着實傷悼。正嘆之間。報廣成子進相

府來。看子牙。武王迎接至殿前。武王曰。道兄相父已亡。如之奈何。廣成子曰。不妨。子牙該有此厄。叫取水一盞。道人取一粒丹。用手撚開。口擺開。將藥灌下。十二重樓有一個時辰。子牙大叫一聲。痛殺吾也。二目睜開。只見武王廣成子俱跣于臥榻之前。子牙方知中傷已死。正欲掙起身來。致謝。廣成子搖手曰。你好生調理。不要妄動。吾去蘆蓬。照顧恐趙公明猖獗。廣成子至蓬上。回了燃燈的話。已救回子牙。還生。且在城內調養。不表。話說趙公明次日上。虎提鞭出營。至蓬下。坐名。燃燈答話。哪吒報上蓬來。燃燈遂與衆道友排班而出。見公明威風凜凜。眼露兇光。非道者

氣像燃燈打稽首對趙公明日道兄請了公明回答曰道兄你等欺吾教大甚吾道你知你道吾見你聽吾道來

混沌從來不記年

各將妙道補真全

當時未有星河斗

先有吾當後有天

道兄你乃闡教玉虛門下之士我乃截教門人你師我師總是一師秘授了道成仙其爲教主你們把趙江弔在蓬上將吾道藐如灰土弔他一繩有你半繩道理不公豈不知

翠竹黃鬚白笋芽

儒冠道履白蓮花

紅花白藕青荷葉

三教元來總一家

燃燈答曰趙道兄當時僉押封神榜你可曾在碧遊宮趙公明日吾豈不知燃燈曰你既知道你師曾說神中之姓名三教內俱有彌封無影死後見明爾師言得明明白白道兄今日至此乃自昧已心逆天行事是道兄自取吾輩逢此劫數吉凶未知吾脩天皇成于正果至今難脫紅塵道兄無束無拘却要強爭名利你且聽我道來

盤古脩來不記年

陰陽二氣在先天

煞中生氣肌膚換

精裡含精性命團

玉液丹成真道士

六根清淨產胎仙

扭天拘地心難正

徒費工夫落墜淵

趙公明大怒曰。難道吾不如你。且聽我道來。

能使須彌翻轉過。

又將日月逆週旋。

從來天地生吾後。

有甚玄門道德仙。

趙公明道罷。黃龍真人跨鶴至前。大呼曰。趙公明。你今日至此。也是封神榜上有名的。合該此處盡絕。公明大怒。舉鞭來取真人。忙將寶劍來迎。鞭劍交加。未及數合。趙公明將縛龍索。祭起。把黃龍真人平空拿去。赤精子見拿了黃龍真人。大呼趙公明。少得無禮。聽吾道來。

會得陽丹物外玄。

了然得意自忘筌。

應知物外長生路。

自是逍遙不老仙。

鉛與汞。

產先天。

明明指出無生妙。

無奈凡心不自捐。

話說赤精子執劍來取公明。公明鞭法飛騰。來往有三五合。公明取出一物。名曰定海珠。珠有二十四顆。此珠後來與於釋門。化爲二十四諸天。公明將此寶祭于空中。有五色毫光。縱然神仙觀之。不明。瞧之。不見。一刷下來。將赤精子打了一交。趙公明正欲用鞭復打赤精子。頭上有廣成子。忿步大叫。少待傷吾道。見吾來了。公明見廣成子來得兇惡。急忙迎架。廣成子兩家交兵。未及一合。又祭此珠。將廣成子打倒。塵埃道行天尊。急來抵住公明。公明連發此

寶打傷五位上仙。玉鼎真人。靈寶大法師。五位敗回蘆蓬。趙公明連勝回營。至中軍。聞太師見公明得勝大喜。公明命將黃龍真人也。弔在旛杆上。把黃龍真人泥丸官上用符印壓住元神。輕容易不得脫逃。營中聞太師一面分付設酒四陣。主陪飲。且說燃燈回上蓬來。坐下五位上仙俱着了傷。面面相覷。默默不語。燈問眾道友曰。今日趙公明用的是何物件打傷眾位。靈寶大法師曰。只知着人甚重。不知是何寶物。看不明切。五人齊曰。只見紅光閃灼。不知是何物件。燃燈聞言。甚是不樂。忽然擡頭。見黃龍真人弔在旛杆上面。心下越覺不安。眾道者嘆曰。是吾輩逢此劫厄。不能擺脫。今黃龍真人被如此厄難。我等此心何忍。誰能解他。愆尤方好。玉鼎真人曰。不妨。至晚間再作處治。眾道友不言。不覺紅輪西墜。玉鼎真人喚楊戩曰。你今夜去把黃龍真人放來。楊戩聽命。至一更時分。化作飛蟻。飛在黃龍真人耳邊。悄悄言曰。師叔弟子楊戩奉命特來放老爺。怎麼樣。陽神便出。真人曰。你將吾頂上符印去了。吾自得脫。楊戩將符印揭去。正是

天門大開。陽神出。去了崑崙正果仙。真人來至蘆蓬。稽首謝了玉鼎真人。眾道人大喜。且說趙公明飲酒半酣。正歡呼大悅。忽鄧忠來報。啓老爺旛上不

見了道人了。趙公明掐指一算。知道是楊戩救去了。公明
笑曰。你今日去了。明日怎逃。彼時二更。席散各歸寢榻。次
日陞中軍。趙公明上虎。提鞭早到蓬下。坐名要燃燈答話。
燃燈在蓬上見公明跨虎而來。謂眾道友曰。你們不必出
去。待吾出去會他。燃燈乘鹿。數門人相隨。至于陣前。趙公
明曰。楊戩救了黃龍真人來了。他有變化之功。叫他來見
我。燃燈笑曰。道友乃斗筭之器。此事非是他能。乃仗武王
洪福。姜尚之德耳。公明大怒曰。你將此言惑亂軍心。甚是
可恨。提鞭就打燃燈。口稱善哉。急忙用劍招架。未及數合。
公明將定風珠祭起。燃燈借慧眼看時。一派五色毫光。照

不見是何寶物。看看落將下來。燃燈撥鹿便走。不進蘆蓬。
望西南上去了。公明追將下來。往前趕有多時。至一山坡。
松下有二人下棋。一位穿青。一位穿紅。正在分局之時。忽
聽鹿蹄响亮。二人回顧。見是燃燈。認不得二人。燃燈把趙
公明伐西岐事說了一遍。二人曰。不妨。老師站在一邊。待
我二人問他。且說趙公明虎走如飛。馳電驟。倏忽而至。二
人作歌曰。

可憐四大屬虛名。

認破方能脫死生。

慧性由如天際月。

幻身却似水中冰。

撥迴閑捩頭頭着。

看破虛空物物明。

缺行虧功俱是假

丹爐火起道難成

且說趙公明正趕燃燈。聽得歌聲古怪。定日觀之。見二人各穿青紅二色衣袍。臉分黑白。公明問曰：爾是何人？二人笑曰：你連我也認不得。還稱你是神仙。聽我道來。

堪笑公明問我家

我家原住在烟霞

眉藏火電非閑說

手種金蓮豈自誇

三尺焦桐為活計

一壺美酒是生涯

騎龍遠出遊蒼海

夜久無人玩物華

吾乃五夷山散人。蕭升曹寶是也。俺弟兄閑對一局。以遣日月。今見燃燈老師。被你欺逼太甚。強逆天道。扶假滅真。

自不知已罪反恃強。追襲吾故。問你端的。趙公明大怒。你

好大本領。焉敢如此。發鞭來打。二道人急以寶劍來迎。鞭

來劍去。宛轉抽身。未及數合。公明把縛龍索祭起來。拿兩

個道人。蕭升一見此索。笑曰：來的好。急忙向豹皮囊取出

一箇金錢。有翅名曰落寶金錢。也祭起空中。只見縛龍索

跟着金錢。落在地上。曹寶忙將索收了。趙公明見收了此

寶。大呼一聲好妖孽。敢收吾寶。又取定海珠。祭起于空中。

只見瑞彩千團。打將下來。蕭升又發金錢。定海珠。隨錢而

下。曹寶忙忙搶了定海珠。公明見失了定海珠。氣得三尸

神暴跳。急祭起神鞭。蕭升又發金錢。不知鞭是兵器。不是

寶如何落得正中蕭升頂護打得腦漿迸出做一場散淡
閑人只落得封神臺下去了曹寶見道兄已死欲爲蕭升
報仇燃燈在高阜處觀之嘆曰二友棋局歡咲豈知爲我
遭如此之苦待吾暗助他一臂之力忙將乾坤尺祭起去
公明不曾提防被一尺打得公明幾乎墜虎大呼一聲撥
虎往南去了燃燈近前下鹿施禮深感道兄施術之德堪
憐那一位穿紅的道友道連連吾心不忍二位是那座名山
何處洞府高姓大名道者答曰貧道乃五夷山散人蕭升
曹寶是也因閑無事假此一局遣興今遇老師實爲不平
之忿不期蕭兄絕與公明以毒手實爲可嘆燃燈曰方纔公

明祭起二物欲傷二位貧道見一金錢起去那物隨錢而
落道友忙忙收起果是何物曹寶曰吾寶名爲落寶金錢
連落公明二物不知何名取出來與燃燈觀看燃燈一見
定海珠鼓掌大呼曰今日方見此奇珍吾道成矣曹寶忙
問其故燃燈曰此寶名定海珠自元始已來此珠曾出現
光輝照耀玄都後來杳然無聞不知落於何人之手今日
幸逢道友收得此寶貧道不覺心爽神快曹寶曰老師旣
欲見此寶必是有可用之處老師自當收去燃燈曰貧道
無功焉敢受此曹寶曰一物自有一主旣老師可以助道
理當受得弟子收之無用燃燈打稽首謝了曹寶三人同

往西岐。至蘆蓬。衆道人起身相見。燃燈把遇蕭升一事說了一遍。燃燈又對衆人曰。列位道友。被趙公明打傷。撲跌在地者。乃是定海珠。衆道人方悟。燃燈取出。衆人觀看。一個個嗟嘆不已。不說燃燈得寶。話說趙公明被打了一乾坤尺。又失了定海珠。縛龍索。回進大營。聞太師接住。問其追燃燈一事。公明長吁一聲。聞太師曰。道兄爲何這等。公明大叫曰。吾自修行以來。今日失利。正趕燃燈。偶逢二子。名曰蕭升。曹寶。將吾縛龍索。定海珠。收去。吾自得道。仗此奇珠。今被無名小輩收去。吾心碎矣。公明日。陳九公。姚少司。你好生在此。吾往三仙島去。來聞太師曰。道兄。此去速

回免。吾翹首公明曰。吾去卽回。遂乘虎架風雲而起。不三時。來至三仙島。下虎至洞府前。咳嗽一聲。少時一童兒出來。原來是大老爺來了。忙報與三位娘娘。大老爺至此。三位娘娘起身。齊出洞門迎接。口稱兄長。請入裡面。打稽首坐下。雲霄娘娘曰。大兄至此。是往那裡去來。公明日。聞太師伐西岐。不能取勝。請我下山。會闡教門人。連勝他幾番。後是燃燈道人會我。口出大言。吾將定海珠。祭起燃燈。逃遁。吾便追襲。不意趕至中途。偶遇散人蕭升。曹寶。兩箇無名下士。把吾二物收去。自思闡地開天。成了道果。得此二寶。方欲煉性修真。在羅浮洞中。以証元始。今一旦落于兒

曹之手心甚不平。特到此間借金蛟剪也罷。或混元金斗也罷。拿下山去。務要復回此二寶。吾心方安。雲霄娘娘聽罷。只是搖頭說道。大兄。此事不可行。昔日三教共議。僉押封神榜。吾等俱在碧遊宮。我們截教門人。封神榜上頗多。因此禁止不出洞府。只爲此也。吾師有言。彌封名姓。當宜謹慎。宮門又有兩句。貼在宮外。

緊閉洞門。靜誦皇庭三兩卷。

身投西土。封神榜上有名人。

如今闡教道友。犯了殺戒。吾截教實是逍遙。昔日鳳鳴岐山。今生聖主。何必與他爭論。閑非大兄。你不該下山。你我

只等子牙封過神。纔見神仙。玉石大兄請回峨嵋山待平定封神之日。吾親自往靈鷲山。問燃燈討珠。還你。若是此時。要借金蛟剪。混元金斗。妹子不敢從命。公明日。難道我來借你。也不肯。雲霄娘娘曰。非是不肯。恐怕一時失手。追悔何及。總來兄請回山。不久封神在爾。何必太急。公明嘆曰。一家如此。何況他人。遂起身作辭。欲出洞門。十分怒色。正是。

他人有寶他人用。

果然開口告人難。

三位娘娘聽公明之言。內有碧霄娘娘要借。奈姐姐雲霄不從。且說公明跨虎離洞。行不上一二里。在海面上行。腦

後有人叫曰趙道兄公明回頭看時一位道姑腳踏風雲而至怎見得詩曰

髻挽青絲殺氣浮

修真煉性隱山丘

爐中玄妙超三界

掌上風雷震九州

十里金城驅黑霧

三仙瑤島運神廳

若還觸惱仙姑怒

翻倒乾坤不肯休

趙公明看時元來是菡芝仙公明曰道友為何相招道姑曰道兄那裡去趙公明把伐西岐失了定海珠的事說了一遍方纔問俺妹子借金蛟剪去復奪定海珠他堅執不允故此往別處借些寶貝再作區處菡芝仙曰豈有此理

我同道兄回去一家不借何況外人菡芝仙把公明請將回來復至洞門下虎童兒稟三位娘娘大老爺又來了三位娘娘復出洞來迎接只見菡芝仙同來入內行禮坐下菡之仙曰三位姐姐道兄乃你三位一脉為何不立綱紀難道玉虛宮有道術吾等就無道術他既收了道兄二寶理當為道兄出力三位姐姐為何不允這是何故倘或道兄往別處借了奇珍復得西岐燃燈之寶你姨妹面上不好看看了况且至親一脉又非別人今親妹子不借何況他人哉連我入卦爐中煉的一物也要協助聞兄去怎的你到不肯碧霄娘娘在傍一力贊助姐姐也罷把金蛟剪借

與長兄去罷。雲霄娘娘聽罷，沉吟半晌，無法可處，不得已取出金蛟剪來。雲霄娘娘曰：「大兄，你把金蛟剪拿去對燃燈說，你可把定海珠還我。我便不放金蛟剪，你若不還我寶珠，我便放金蛟剪。」那時月缺難圓，他自燃把寶珠還你。大兄千萬不可造次行事。我是實言。公明應諾，接了金蛟剪，離却三仙島。菡芝仙送公明曰：「吾爐中煉成奇珍，不久亦至彼此作謝而別。」公明別了菡芝仙，隨風雲而至成湯大營。旗牌報進營中，啟太師爺趙老爺到了。聞太師爺迎接入中軍坐下，正是

入門休問榮枯事。

觀見容顏便得知。

太師問曰：「道兄往那裡借寶而來？」公明曰：「往三仙島吾妹子處那裡借他的金蛟剪來。明日務要復奪吾定海珠。」聞太師大喜，設酒款待。四陣主相陪，當日席散。次早成湯營中砲响，聞太師上了墨麒麟。左右是鄧辛、張陶、趙公明跨虎臨陣，專請燃燈。答話哪吒報上蘆蓬，燃燈早知其意。今公明已借金蛟剪來。謂眾道友曰：「趙公明已有金蛟剪，你們不可出去。吾自去見他，遂上了仙鹿，自臨陣前。公明一見燃燈，大呼曰：『你將定海珠還我，萬事干休。若不還我，定與你見個雌雄。』」燃燈曰：「此珠乃佛門之寶，今見主必定要取你那左道傍門，豈有福慧，壓得住他。此珠還是我等了。」

道証果之珍。你也不必妄想。公明大叫曰。今日你既無情。我與你月缺難圓。這道人

詩曰

跨虎臨鋒胆氣雄。

圓睜怪目吐長虹。

神鞭閃灼遊龍尾。

黑虎飛騰起旋風。

借來蛟剪稱無價。

要奪奇珠立大功。

造化不如周主福。

千年道行一場空。

話說燃燈道人見公明縱虎冲來。只得催鹿抵架。不覺鹿虎交加。往來數合。趙公明以金蛟剪祭起。不知燃燈性命如何。且聽下回分解。

總批

趙公明也只是恃得自己。有寶貝。故此連勝燃燈衆人。一至於失却諸寶。便自空拳失手。反去沿門托鉢。凡有吾鼎者。當得自愛。

又批

公明無寶珠。便自張惶失措。一有金蛟剪。又自恃此逞兇。所以終至失手。古人所以云謙受益。滿招損。良有以也。

